

DECRETO

EXCMA. SRA. DONA MERCEDES PAULA ALVARELLOS FONDO, ALCALDESA
PRESIDENTA DO EXCMO. CONCELLO DE LUGO

ASUNTO: APROBACIÓN DE MODIFICACIÓN ORZAMENTARIA MEDIANTE A
MODALIDADE DE TRANSFERENCIA DE CRÉDITO PARA DAR COBERTURA ÁS
OBRIGAS DE CARÁCTER ECONÓMICO DERIVADAS DA PRESTACIÓN DE SERVIZOS
PREVENTIVOS E INTERVENCIÓN EN EMERXENCIAS EN ACTUACIÓNS DE
CARÁCTER PREVENTIVO REALIZADAS NO TERMO MUNICIPAL DE LUGO CON
MOTIVO DA CELEBRACIÓN DE ACTOS DE CARÁCTER CULTURAL, DEPORTIVO,
FESTIVO OU SIMILARES DURANTE O EXERCICIO 2024.

Visto o expediente tramitado para modificar créditos mediante a modalidade de transferencia de crédito núm.: 32-2024, por un importe total de 11.800 €, dentro do vixente orzamento do exercizo 2024 para dar cobertura ás obrigas de carácter económico que se desprenden da urxencia para asinar o convenio de colaboración entre o Concello de Lugo e a Cruz Roja Española (CIF Q2866001G) para a concesión da subvención que cofinancia a prestación de servizos preventivos e intervención en emerxencias en actuacións de carácter preventivo realizadas no termo municipal de Lugo con motivo da celebración de actos de carácter cultural, deportivo, festivo ou similares durante o exercicio 2024.

Vista a inexistencia de crédito adecuado e suficiente no vixente Orzamento Xeral, solicítase a tramitación dun expediente de transferencia de crédito.

Vistos igualmente os documentos e informes que constan no expediente tramitado para o efecto, o informe da Intervención Xeral Municipal Ref: 1142/2024, do 02.08.2024 así como o RCMOD núm.: Ref.: 53105/2024, por importe de 11.800 € de 01.08.2024.

Vense advertindo pola intervención de xeito reiterado nos últimos tempos sobre a evolución negativa dos principais indiadores e magnitudes económico-financeiras do Concello, e da necesidade de adoptar medidas de contención do gasto non obrigatorio. Por tanto, con independencia de que esta ou sucesivas modificacións de crédito desta tipoloxía sexan viables dende o punto de vista do cumprimento da normativa, recoméndase analizar pormenorizadamente polos órganos xestores a necesidade real de levalas a cabo, no senso de que implicarán a realización dun gasto que doutro xeito podería non executarse, permitindo un aforro, e son indicativas tamén de que se sobrepasaron as previsións orzamentarias en determinadas áreas ou materias neste momento do ano, o que debería merecer unha reflexión máis profunda por parte dos xestores antes de propoñelas.

Neste caso concreto, débese considerar que se trata dun importe reducido e que, ademais, corresponde a aplicacións da mesma área de gasto, polo que non se afecta a outras áreas ou servizos municipais e unha vez se detraiga da aplicación que cede crédito non poderá esta volver a incrementarse vía transferencias de crédito.

Por tanto, vista a inexistencia de crédito a nivel de vinculación xurídica no capítulo 4 do subprograma 92400, así como a dispoñibilidade orzamentaria das aplicacións orzamentarias que ceden crédito, sinaladas a continuación, segundo se acredita nos estados de execución orzamentaria, estímase admisible esta transferencia de crédito.

INTERVENCIÓN

LVP/slb

Refª: ispac5388757221428196389.doc

Asunto: Decreto aprobación TC 32-2024 Subvención Cruz Vermella

<u>APLICACIÓN</u> <u>ORZAMENTARIA</u> <u>S QUE CEDEN</u> <u>CRÉDITO</u>	<u>IMPORTE €</u>	<u>APLICACIÓN</u> <u>ORZAMENTARIAS</u> <u>QUE INCREMENTAN</u> <u>CRÉDITO</u>	<u>IMPORTE €</u>
92400.22699	11.800,00 €	92400.48900	11.800,00 €
TOTAL CRÉDITO CEDIDO	11.800,00 €	TOTAL INCREMENTO DE CRÉDITO	11.800,00 €

En virtude do disposto nos artigos 179 a 181 do Real decreto legislativo 2/2004 de 5 de marzo, polo cal apróbase o Texto refundido da lei reguladora das facendas locais; artigos 40 a 45 do Real decreto 500/1990 de 20 de abril, Regulamento orzamentario; as Bases de execución do orzamento vixente prorrogado e sobre a base das atribucións conferidas a esta Alcaldía, en virtude do disposto no artigo 124.4 g) e ñ), da lei 7/1985, do 2 de abril, reguladora das bases do réxime local e demais normativa, **RESOLVO:**

PRIMEIRO. Aprobar o actual expediente de modificación de créditos a través da modalidade de transferencia de crédito por un importe global de 11.800 € para dar cobertura ás obrigas sinaladas na parte expositiva do presente decreto:

<u>APLICACIÓN</u> <u>ORZAMENTARIA</u> <u>S QUE CEDEN</u> <u>CRÉDITO</u>	<u>IMPORTE €</u>	<u>APLICACIÓN</u> <u>ORZAMENTARIAS</u> <u>QUE INCREMENTAN</u> <u>CRÉDITO</u>	<u>IMPORTE €</u>
92400.22699	11.800,00 €	92400.48900	11.800,00 €
TOTAL CRÉDITO CEDIDO	11.800,00 €	TOTAL INCREMENTO DE CRÉDITO	11.800,00 €

SEGUNDO: Sendo o expediente que se aproba firme e executivo sen máis trámites, polo que se deberán introducir na Contabilidade da Corporación os axustes derivados do mesmo.

Cúmprase.